



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 3. In Noruegiâ.

urn:nbn:de:hbz:466:1-13167

artificio elaboratae, & in iis aliquot hominis forma. *Olaus lib. 2.*

In parte Septentrionali Sueciæ Vrsi, & Cerui candidi sunt. *Nierembergius, & plerique alij.*

In eadem parte Septentrionali tantum frigus plerumque desexit, ut fistilia vasa passim frangantur, & aliquando clavi ex portis, atque seris exiliant. *Olaus lib. 2. cap. 12.*

In iisdem locis capiuntur vituli marini, quorum adipe perlite ocreæ numquam afflantur fulmine. *Geronerus.*

In Finlandiâ Nigri Fluuius omnes pisces nigros alit. *Olaus, & Scaliger exercitatione 59.*

In Liuoniâ cuniculi æstate cineritij, hyeme candidi sunt. *Henricus Soterus in suâ Sueciâ.*

§. 3. In Noruegia.

AD littora Noruegiæ adeò profundum mare, ut quamvis eò deducatæ fuerint naues plenæ funibus, numquam tamen solum potuit explorari. *Olaus Magnus lib. 2. cap. 12.*

In eodem mari captus est pisces, vultu & cucullo Monachum referens, cuius imaginem exhibet in libro suo de Monstris *Aldroandus.*

Ibidem sæpe capti Tritones, & duo recens in Germaniam indidem aduecti. *Eusebius Nierembergius.*

Ad Occidentale latus Noruegiæ visitur ingens vorago, quam vocant veteres Vmbilicum maris, Anhelitum & Nares mundi, nunc *Maelstroome*, seu melius *Monskistroome*, à Naucleris *Naunder lee*, hoc est Maris Vmbilicus, ante Insulam, seu scopulum *Vveeroy*, vbi singulis senis horis crescente Oceano aqua deorsum in Barathrum deuoluitur, tantâ vi, & rotatione, tamque incredibili vndarum strepitu, ut verbis exprimi non possit. Econtra eadem vnda Oceano decrescente, rursus ex imo emergit, atque attollitur tanto impetu, ut nulla moles, nullus quantumvis vastus pisces in fundo consistere possit, & tunc naues ipsæ mercibus onustæ aliquando remittuntur. Patet hæc vorago in ambitu ad 40. millia passuum, & malè ab Gerardo Mercatore ex relatione Pseudomonachi in regionem polo subiectam reiicitur. *Lucas Aurigarius, Ortelius, Sylvester Cambrensis, Olaus, &c.*

Sola Normannia (sic Noruegiam vocat) vulpes habet nigras, lepo-

Iepores & vrsos albos, qui sub aquâ vt Vri viuunt. *Magister Adamus Canonicus Bremensis de situ Danie.*

In Noruegiâ aér aliquando omnino corrumpitur, muribus quibusdam morientibus quos *Lemmer* appellant indigenæ. Hinc morbus oritur inducens in caput vertiginem, & per totum corpus auriginem effundens. *Cardanus lib. I. variarum cap. 4.*

Addit Olaus hos mures esse variegatâ pelle, cum imbre de cælo cadere, & diu dubitatum, vtrum in aëre formarentur; opinionem hanc refutatam esse, ex quo in eorum alio herba reperta est. *Olaus.*

In Noruegiâ fons omnia in lapides mutat, ligna, lina, &c. per annum immersa. Id probauit Episcopus Oxippale regnante Gualdemaro Rege Danorum. *Sylvestris Cambris.*

Prope Nidrosiam lacus omnibus congelatis, atque rigentibus numquam concrescit. *Olaus lib. I. cap. 27.*

Aér in Noruegiâ adeò frigidus, vt plerumque præcordia occupans, atque stringens priùs homines interimat, quàm se dolere sentiant. *Barlaeus in Icone Animorum.*

In Septentrionalibus lacubus congelatis, sub ipsâ glacie ob ventum inclusum, non minor auditur sonus, quàm sœui tonitruis ex densitate nubium in lateribus coarctati. *Olaus Magnus lib. 2. c. 4.*

§. 4. In Islandia.

HECLA mons semper obductus niue perpetuis ignibus exæstuat, & plerumque lapides eructat. Certe anno 1580. tanto cum fragore & tumultu saxa eiaculatus est, vt ad 80. millaria grandiores machinæ displodi putarentur. *Georgius Bruno.*

Ad eundem montem Vorago quædam, ad quam apparere solent demortuorum manes, & cum ambulantibus colloqui: neque detegitur error nisi cum speætra ab oculis euanuerint. *Angrimus Jonas Islandus, & Olaus cap. 3. lib. 2.*

In hâc Insulâ fons est aquæ fumigantis, quidquid fumi huius exhalatione efflatur, in lapideæ naturæ duritiem transmutatur, formâ duntaxat superstite. *Andreas Velleius Danus.*

Est hîc quoque fons aquæ pestilentis, quem qui gustauerit perinde ac veneno necatur. *Idem Velleius.*

Sunt & ignes qui cum linum amburere nequeant, aquæ ta-

Parall. Geogr. Tom. II.

B b